

Si₂ carta le₂ 'uig₅₄ a₂ ca₂ jmo₃ SAN PEDRO

*Jmo₅ Pe₄ si₂ a₂ chein₃ ne₄ dsa₂ 'én₂ i₂ tián₅ tsi₁ rē₂ jan₅₄
u'ing₂*

¹ Jniá₂ Pe₄, líng₅ dsa₂ i₂ chen₄ quián₅ Jesucristo
jmo₂₃ si₂ la₂ tsíng₂ ne₄ ca₂ le₃ jín₃ dsa₂ i₂ tsi₁ rē₂ jan₅₄
i₂ ma₂ lín₅ co₂ 'nió₄ dsi₂ nau₂ i₂ tián₅ u'ing₂, le₂ tan₅₄
'uē₃ Ponto, quián₅₄ Galacia, Capadocia, Asia,
Bitinia ně₃, ² ne₄ ca₂ le₃ jín₃ dsa₂ i₂ ma₂ quion₅₄
quián₅ Diú₄ Jmei₂ jniog₄ lia₂ 'con₂ lě₅ ma₂ i₃ jiog₅ dsí₅
ca₂ le₂ jniá₅. Ca₂ quió₂ Diú₄ tē₂ le₃ quián₅₄ ta₁ quió₅
Jme₂ dsí₂ quián₅ ia₁ jaun₂ ma₂ lě₅ 'í₁ 'nia₂, ia₁ jaun₂
le₃ chang₂ jme₁ ti₄ ne₅₄, chan₂ 'nia₂ qui₂ le₁ jě₃
jme₂ dsí₂ quiáng₂ ně₃, rē₂ jnióg₄ le₁ séng₅ jmi₂ 'an₅₄
Jesucristo. Jaun₂ juá₅ jniá₂, jui₁ chan₂ bá₄ 'nia₂
dse₃ ne₄ ca₂ le₃ jě₃ ne₅₄ a₂ dse₃ jme₂ gu₅₄ Diú₄, 'ei₅ tei₄
ja₁ con₂ 'nia₂ ca₂ le₃ jíng₃.

*'A₂ lia₂ chan₂ dsa₂ caun₂ bá₄ a₂ le₁ 'ág₄ dsí₅
a₂ ma₂ rē₂ 'én₄ dsáu₁, t'ín₄ guei₅₄ i₂ juíg₃*

³ Jui₁ le₂ juin₂ bá₄ Diú₄ Jmei₂ Te₁ gui₅₄ Jesucristo
quián₂, ia₁ ca₂ dsia₃ néi₂ dsí₅ 'nio₅ lín₃ jniog₄, ca₂ cuē₃
jme₂ dsí₂ 'mí₂, ma₂ jmo₃ bá₄ a₂ ma₂ ca₂ rē₃ chón₃g₃ táng₃
jniog₄ tē₂ le₃ quián₅₄ jui₅ bí₂ a₂ ca₂ jen₅₄ táng₃ Jesu-
cristo jín₄ 'lag₄. 'Uig₅₄ ně₅ bá₄ a₂ chong₂ jniog₄
caun₂ bá₄ qui₂ le₁ 'ág₄ dsi₅ a₂ dsi₁ no₃ tág₄ guei₅₄
i₂ juíg₃. ⁴ Ton₂ jmo₃ a₂ guéi₁ 'nia₂ a₂ ma₂ lě₅ jág₁
a₂ t'ing₅₄ cuē₃ Diú₄, a₂ lě₅ caun₂ a₂ tsá₃ ton₅ jmig₄

dsi₃'én₂, on₃ guē'₂ lé₂ le₃'lig'₅₄, on₃ guē'₂ ton₅ jmi₄
 le₃juing₅ ně₃. Ca₂le₃jě₃ a₂ně₅ ma₂lě₅ co₂jñia₅₄ rē₂'ma₄
 guei'₅₄ i₂juíg₃ quián'₂ 'nia'₂. ⁵ Tě₂le₃ ia₁ a₂'én'₂ 'nia'₂
 ma₂jmo₂₃ 'í₁ quián'₅₄ jui₅bí₂ quió'₅ a₂dsi₁no'₃ 'nia'₂
 tíng'₄ a₂le₃jniá₂ jmi₄ jě₁ca₂tó'₂ i₁lión'₂ 'nia'₂.

⁶ Uig₅₄ ně₅ bá₄ ně₃ jui₁chan'₂ 'nia'₂ qui₂le₁'ág₄
 dse₃ 'au'₂, 'io'₂ jéng'₂, tsá₃ a₂léi₂ jui₁la₂ 'lióng₂ táu₂
 a₂qui₂dsi₃ñí'₂ 'nia'₂ co₂'na₂. ⁷ Ia₁ lia'₂ lě₅ cu₄nióg₄ bá₄
 lě₅ 'én'₂ 'nia'₂: jaun₂ tion₅₄ 'nió'₅ cáu₃, ñag₅ si₂, jióg'₂
 'í₁ le₃léi₄ chi₂jua'₂ tě₃dsón'₂ bá₄ dse₃. Jui₁lia'₂ jau'₂ 'í₁
 cu₄nióg₄ tě₂le₃ quián'₅₄ si₂, ján₃ bá₄ le₂ně₅ jióg'₂ 'í₁
 a₂'én'₂ 'nia'₂ tě₂le₃ quián'₅₄ uig₅ a₂nio₅ qui₂dsi₂ñíg'₂.
 Ia₁ a₂'én'₂ 'nia'₂ ně₅, quen₅ guě₄ 'ñio₅ lín₃ lia'₂ con'₂
 guě₄ cu₄nióg₄, ia₁ cu₄nióg₄ ně₃, a₂dsi₂'én₂ bá₄ jaun₂.
 Jaun₂ ně₃ jě₁ma₂ca₂o₃'ág₃ jág₁ a₂'én'₂ 'nia'₂ tě₃dsón'₂,
 jaun₂ guě₄ 'ag₃ Diú₄, 'én'₂ bá₄ 'nia'₂ dse₃ lín₃, ton'₂
 qui₂jme₃go₃ bá₄ dsa₂, jaun₂ guéin'₂ bá₄ 'nia'₂ guei'₅₄
 i₂juíg₃ jě₁ma₂ca₂rě₃jniá₂ Jesucristo.

⁸ 'Nió'₃ bá₄ 'nia'₂ Cristo jui₁la₂ tsá₃ ma₂ca₂tě₂ ne'₅₄
 'nia'₂. Caun₂ bá₄ qui₂le₁'ág₄ 'au'₂ 'nia'₂ le₃quió'₅ 'éi₂,
 jñia'₅₄ la₂ tsá₃ ma₂ca₂jñin'₅₄ 'nia'₂ dsón'₂ dsi₁ne₁ la₁
 'ñio₅ lín₃ bá₄ 'io'₂ jén'₂ 'nia'₂ ca₂lia'₂ tsá₃ ne₄ 'a₂ lia'₂
 le₃jua'₅₄, ⁹ ia₁ le₂ně₅ bá₄ ma₂lín'₂ 'nia'₂ jui₅ ja₁ma₂lón₂
 jme₂dsi₂ quiáng'₂; ia₁ ja₁jaun₂ dsi₁no'₃ dsón'₂ bá₄
 'nia'₂ lia'₂ con'₂ lě₅ 'éng'₂.

¹⁰ Jui₁lia'₂ jág₁ a₂lió₂ Diú₄ ně₅, lia'₂ con'₂ lě₅ jme₁'ě₂
 dsa₂ quián₅ Diú₄ jág₁ ma₂líg'₂, ca₂juá'₂ tě₃jñiá₅ 'a₂ lia'₂
 jmo₃ 'ua₁ dsí₅ jme₃goin'₅₄ 'nia'₂, jaun₂ dsa₂ 'éi₂ ně₃
 ca₂'náu'₃ jág₁ dsau₅ ca₂cáun₃ 'í₁ rě₂ lín₃, ¹¹ 'ein₂ dsón'₂
 'éi₂, o₃ 'e₂ 'ió'₄ a₂ñág₃ uig₅, a₂le₃juin'₂ táng₃ cang₂
 jaun₂. Ca₂jmo₃ bá₄ dsa₂ 'éi₂ ně₃ lia'₂ con'₂ lě₅ ca₂'ě₃

Jme₂dsí₂ quián₅ Cristo jui₅ tē₂dsí₅. ¹² Ca₂jme₃jnia₅ Diú₄ jág₁ a₂qui₂ca₂ñí₂ dsí₅ dsa₂ 'éi₂, la₁ on₃jua'₅₄ a₂dse₃ ja₁coin₂ guioin₅₄, a₂dse₃ tē₂le₃ ja₁con'₂ 'nia'₂ bá₄ a₂ca₂jme₃ti₃ 'éi₂ lia'₂ con'₂ jme₁ca₂'ē₂ jág₁, co₂rē₂ bá₄ lia'₂ con'₂ lē₅ jág₁ a₂ma₂ca₂rē₃'ē₂ ja₁con'₂ 'nia'₂ tē₂le₃ quian'₅₄ Jme₂dsí₂ Jñi₅ i₂chen₄ já₅ guei'₅₄ i₂juí₃. Ca₂le₂jio₅ ángeles ně₃, jme₁'in₅ dsí₅ tē₃ ne₅₄ ca₂le₃jě₃ a₂nē₅.

Diú₄ ma₂ca₂tē₃ jniog₄ a₂le₃chong₂ le₁jě₃ jme₂dsí₂ quián₂

¹³ Jaun₂, rē₂ján'₁ 'nia'₂ jmo₄, a₂le₃ñí'₂ dsei'₂ a₂le₃'en₅₄ 'au'₂ 'nia'₂. Caun₂ bá₄ le₁'ág₄ 'au'₂ 'nia'₂ jmo₄ a₂le₁jan'₄ a₂jme₃gu'₅₄ Diú₄ jmíg₄ jē₁ma₂tē₂ rē₂jme₃jnia₅ Jesucristo. ¹⁴ La₁ jui₁len'₅₄ 'nia'₂ chí₂-guein₂ dsen₃ quián₅ Diú₄ i₂qui₂rē₂ti'₅₄. Tsá₃ ma₃tián'₂ 'nia'₂ jua'₅₄ a₂qui₂dsi₂jnia₅ guě₄ 'lig'₅₄ 'au'₂, lia'₂ jme₁líng'₄ le₂jñiá₅ lia'₂ con'₂ tsá₃ 'e₂ jme₁ma₂ñi'₅₄ 'nia'₂ le₃quió'₅ Diú₄. ¹⁵ Tē₂le₃ jui₁le₂chan'₂ bá₄ 'nia'₂ qui₂le₁jě₃ tē₂'au'₂ qui₂rē₂jñi₅ co₂ñei'₅₄ jme₂dsí₂ quiáng'₂ quian'₅₄ ca₂le₃jě₃ guě₄ a₂jmo'₂ 'nia'₂. Ia₁ i₂jñi₅ lín₃ bá₄ Diú₄ i₂ma₂ca₂tē₃ 'nia'₂. ¹⁶ Ia₁ juá'₂ ne₄ Si₂: “Jui₁le₂jñi₅ bá₄ 'nia'₂, ia₁ i₂jñi₅ bá₄ jniá₂ 'ñi₃.”*

¹⁷ Chi₂jua'₂ tē₂ 'nia'₂ “Tia₅₄” i₂qui₂con₂ 'í₁ quió'₅ le₂jan₂ le₂jan₂ dsa₂ lia'₂ con'₂ lē₅ ma₂jmo₃, la₁ tsá₃ jma₃quén₅ jín₂ ca₂le₃jín₃, jaun₂ ca₂tín'₂ 'nia'₂ jme₁gain'₃ ca₂le₃jě₃ jmíg₄ tē₁lia'₂ chan'₂ 'nia'₂ líng'₅ ně₂jag₄ bá₄ dsi₂nau₂ ne₄ gua'₅₄ 'uě₃ la₂. ¹⁸ Ia₁ ma₂ñi'₅₄ bá₄ 'nia'₂, on₃jua'₅₄ a₂ca₂qui₃ quian'₅₄ cosa a₂tsá₃ uě₂ jio₅, quian'₅₄ jui₁lia'₂ cu₄nióg₄

* **1:16** Levítico 11:14,45; 19:2; 20:7.

cu₄tiog₂ a₂ca₂lióin₂ 'nia'₂ ne₄ jui₅ a₂tsá₃ ta₁ tí₄
a₂jme₁le₁quian'₄ 'nia'₂, a₂ca₂rě₂tíng'₃ ca₂ṇág₃ dsa₂
can'₅₄ quiáng'₂. ¹⁹ Ca₂quín'₂ 'nia'₂ tē₂le₃ quian'₅₄ jmi₂
'an₅₄ Cristo a₂quen₅ guě₄ lín₃, a₂ca₂ṇó₃ qui₂rě₂jein'₅₄
ne₄ Diú₄ nē₂jag₄ bá₄ já'₂ cha'₂ i₂tsá₃ 'e₂ 'lig'₅₄ lín₅
'i₁caun₂. ²⁰ Ia₁ lia'₂ con'₂ né'₃ a₂nio₃ mi₂güí₃,
jme₁ma₂rě₂'ín₁ bá₄ a₂lióin₂ dsa₂ mi₂güí₃. Ia₁
ma₂ca₂rě₃jniái₂ jmi₄ jē₁ca₂tó'₂ rě₂ně₃, a₂dse₃
o₄quián'₂ 'nia'₂. ²¹ Ia₁ tē₂le₃ quian'₅₄ 'éi₂ bá₄
'én'₂ 'nia'₂ le₃quió'₅ Diú₄ i₂ca₂jme₃jen'₅₄ Cristo
ja₁jme₁rě₂'lín₅₄, jaun₂ ca₂jme₃jláu'₁ ně₃. 'Uig₅₄
jaun₂, jui₁le₁'ág₄ 'au'₂ 'nia'₂ 'éng'₂ tē₂le₃ quió'₅ Diú₄.

²² Nē₃ ně₃ ma₂le₁jín'₃ bá₄ 'nia'₂ ia₁ ma₂jme₂tí'₁
'nia'₂ jág₁ tí₅, ia₁ tē₃dsón'₂ bá₄ ma₂'nió'₃ 'nia'₂ ríng'₂,
jme₁'nió₄ 'nia'₂ ríng'₂ le₂jang'₂ le₂jang'₂ jaun₂ ně₃
ca₂le₃jě₃ 'au'₂.† ²³ Ia₁ ma₂ca₂rě₃chán'₃ 'nia'₂ táng₃,
la₁ on₃jua'₅₄ lia'₂ lě₅ rě₃chan₂ jaun₅ dsa₂ i₂dsan₂.
A₂ca₂ling'₃ jaun₅ Diú₄ bá₄ i₂tsá₃ líg'₂ jmi₄ dsián₃.
Ca₂rě₃cháng'₃ tē₂le₃ quian'₅₄ jág₁ jén'₃ quió'₅ Diú₄ bá₄
a₂jio₅ co₂tan₅₄. ²⁴ Ia₁ ne₄ Si₂ juá'₂:

Ca₂le₃jín₃ dsa₂ mi₂güí₃
lín₅ jui₁lia'₂ lě₅ ni₁nau₂,
ca₂le₃jě₃ 'a₂ lia'₂ jláin'₁
lě₅ lia'₂ lě₅ lí₁ jlá'₁ quió'₅ ni₁nau₂.
Jē₁ma₂ca₂rě₃quén₃ ni₁nau₂,
ca₂tá'₂ bá₄ lí₁ ján₃.

²⁵ La₁ jág₁ quió'₅ Te₁gui'₅₄ jio₅ co₂tan₅₄ bá₄.‡
Jaun₂ jág₁ dse₃ a₂lión₂ dsa₂ ně₅ ma₂ca₂rě₃'ě₂ jin'₄
'nia'₂.

† 1:22 A₂lín₅₄ chog₅₄ si₂: "a₂le₁jě₃ 'au'₂." ‡ 1:25 Isaías 40:6-8.

2

¹ Jaun₂ ně₃, co₂dsia₅ tí₃ 'nia'₂ ca₂le₃jě₃ ne₅₄
a₂'lig'₅₄, quian'₅₄ 'a₂ lia'₂ lě₅ jme₁chan'₂ 'nia'₂ jmo'₂
o₁ne'₄, o₁gang'₂, jme₁chan'₂ 'nia'₂ jmo'₂ uig₅ 'au'₂,
ca₂le₃jě₃ guě₄ a₂lě₁chi₂dsia'₂ 'nia'₂ 'íng'₅ ríng'₂.
² Jmo₄ 'nia'₂ ně₂jag₄ bá₄ guein₂ pí'₁ i₂ín₅ dsí₅ 'ín'₂
dsi'₅₄ jmá'₅ a₂gu₂dsí₂, jaun₂ tē₂le₃ quian'₅₄ a₂jaun₂
qui₂dsi₃can'₅₄ 'nia'₂ ca₂lia'₂ ca₂ñia₅ i₁lión'₂ 'nia'₂,
³ chi₂jua'₂ tē₃dsón'₂ bá₄ ma₂ca₂rē₃len'₄ 'nia'₂ jmá₂
a₂dse₃ dsí₅ Te₁gui'₅₄.*

Cristo bá₄ i₂lín₅ ni₁ 'lau₂ jén'₃

⁴ Jme₁quián₄ 'nia'₂ ja₁con₂ Te₁gui'₅₄ i₂lín₅ ni₁cang₁
jén'₃. Dsa₂ mi₂güig₃ ně₃ tsá₃ ca₂rē₃jei₅₄, la₁ tē₂le₃
quió'₅ Diú₄ ně₃ lě₅ ni₁cang₁ rē₂quío'₅₄ a₂jlá'₁ a₂quen₅
guě₄ lín₃. ⁵ Le₂ně₅ bá₄ 'nia'₂ ján₃, jmo₄ 'nia'₂ 'au'₂
a₂líg'₅ co₂'nió'₄ ni₁cang₁ jén'₃ a₂jmó'₂ Diú₄ ta₁ a₂jui₂₃
jmóg'₅ caun₂ 'né₅ a₂gu₂dsí₂, ia₁jaun₂ dsi₁nó'₅ 'nia'₂
lěng'₂ co₂'nió'₄ jme₂dsa₂ i₂lě₅ 'í₁ quiáin₅ i₂qui₂jén'₅ 'e₂
qui₂jén'₅ ne₄ Diú₄ a₂gu₂dsí₂ a₂lě₅ a₂ñio₂ dsí₅ 'éi₂ gue₂₃
tē₂le₃ quian'₅₄ Jesucristo. ⁶ Ia₁ ne₄ Si₂ juá'₂ ján₃:

la₂ dsián₄ jniá₂ ciudad Sión i₂lín₅ ni₁cang₁

quió'₅ qui'₅₄ 'uig₅₄ 'ia'₂.

Ca₂le₃jín₃ i₂'én₂ le₃quió'₅,

o₁líg'₂ tsá₃ 'ag₃ caun₂-tín₃ dsí₅.†

⁷ Tē₂le₃ quián'₂ 'nia'₂ i₂'éng'₂, ni₁'lau₂ jaun₂ lě₅
a₂quen₅ 'ñio₅ lín₃. La₁ tē₂le₃ quió'₅ i₂tsá₃ 'én₂ ně₃,
rē₂tí₃ jui₁lia'₂ juá'₂ ne₄ Si₂:

Ni₁cang₁ a₂tsá₃ ca₂rē₃ji'₅₄ dsa₂ i₂jme₁jmóg'₅ 'né₅,

ca₂lě₃ ni₁cang₁ a₂dsen₅₄ guě₄ quió'₅ qui'₅₄ 'ia'₂.‡

* **2:3** Salmo 34:8. † **2:6** Isaías 28:16. ‡ **2:7** Salmo 118:22.

8 Rē₂ti₃ ján₃ ja₁juá'₂ ne₄ Si₂:
 ni₁cang₁ a₂qui₂nió₅ dsa₂,
 ni₁'lau₂ a₂jmo₅ a₂dsi₂gan'₅₄ dsa₂.§
 'Uig₅₄ ia₁ a₂tsá₃ 'nio₃ jme₃ti₃ já₁ dse₃, qui₂nió₅
 jui₁lia'₂ ma₂'i₄ 'éi'₃ dsi₃ŋi₂.

Dsa₂ i₂tén₅ le₃quió'₅ Diú₄

9 Ma₂lín'₅ bá₄ 'nia'₂ ně₃, jon₂ dsa₂ i₂rē₂quion'₅₄
 quián₅ Diú₄. Lín'₅ co₂nió'₃ jme₂dsa₂ i₂jme₂ti₃ ta₁ ne₄
 Rag₅₄, caun₂ juig₂ jnió₅, dsa₂ juig₂ quián₅ Diú₄ 'ŋiog₅.
 Ca₂le₃jě₃ a₂ně₅ lín'₅ 'nia'₂, ia₁jaun₂ qui₂jme₁jnia'₅
 'nia'₂, ca₂le₃jě₃ a₂jlá'₁ a₂ma₂jmo₃ Diú₄. Ia₁ 'éi₂ bá₄
 ma₂ca₂'uín'₂ 'nia'₂ jě₄ qui₁né'₃, ca₂tág₃ tē₂le₃ ja₁jniá₂
 si₂jlá'₁ quió'₅. ¹⁰Le₂jniá₅ ně₃, tsá₃ dsa₂ juig₂ jme₁lín'₄
 'nia'₂; la₁ rē₂ně₃ ně₃ ma₂ca₂dsi₃nó'₅ 'nia'₂ ma₂lín'₅
 dsa₂ juig₂ quián₅ Diú₄. Ca₂le₂jniá₅, 'i₁jan₂ tsá₃ 'ein₂
 jme₁ŋéi₂ dsí₅ 'nia'₂; la₁ rē₂ně₃, Diú₄ ma₂ca₂tá'₂ ŋéi₂
 dsí₅.

Tián'₂ 'nia'₂ a₂jme₁ti'₄ ne₄ Diú₄

¹¹'Nia'₂ rin'₅₄ jniog₄ i₂'nióg₃, 'nia'₂ i₂tiáng'₅ uíng₂
 i₂ma₂lín'₅ ně₂jag₄ bá₄ dsi₂nau₂, chi₂len'₄ jniá₂ 'nia'₂
 co₂dsia₅ tí₃ 'nia'₂ ca₂le₃jě₃ a₂'lig'₅₄ a₂'ín₅ dsí₅ ni₁ŋi'₁
 a₂jmo₅ 'nei₂ ja₁con₂ jme₂dsí₂ quián'₂ 'nia'₂. ¹²I₂nió₄
 bá₄ 'nia'₂ con'₂ dsi₂ten₅₄ jín₄ dsi₂nau₂ juig₂ ja₁tiáng'₄,
 ia₁jaun₂ jui₁la₂ 'ag₂₃ 'ín₂₃ 'nia'₂ 'lig'₅₄ a₂jág₂ jín₂ 'nia'₂
 ně₂jag₄ bá₄ dsa₂ i₂le₁cán'₄ dso₄, la₁ jě₁ma₂ca₂tě₂ ne₅₄
 a₂dse₃ jmo'₂ 'nia'₂, jme₃juin'₂ bá₄ Diú₄ jě₁ma₂tě₂
 rē₂tě₃dsi₅₄ 'éi'₃.

¹³Ia₁ a₂gan'₃ 'nia'₂ Te₁gui'₅₄, tión'₂ 'nia'₂ ca₂le₃jě₃
 'éi'₃ qui₁'ein₂ guě₃ dsi₂tan₅₄ i₂dsián₁ quián₅ dsa₂

ne₄ gua' ₅₄ 'uë₃ la₂; tión' ₂ 'nia' ₂ 'éi' ₃ qui' ₅ ju₁lia' ₂ gui' ₅₄
 dsi₂tan₅₄ emperador ¹⁴lia' ₂ 'éi' ₃ quió' ₅ i₂lín₅ dsi₄má' ₂
 i₂dsián₁ quiáin₅, a₂cuě' ₃ uig₅ dsa₂ i₂jmo₅ 'lig' ₅₄, la₁
 dse₃ 'iin₃ dsa₂ i₂jmo₅ a₂dse₃. ¹⁵Ia₁ a₂ně₅ bá₄ a₂'nio₃
 Diú₄: a₂jmo' ₂ 'nia' ₂ ca₂ne₅₄ a₂dse₃, ia₁jaun₂ dsi₃lén₂
 tei₄ dsa₂ co₄ i₂'in₅ 'lig' ₅₄ 'nia' ₂ ia₁ a₂tsá₃ ŋi₅.

¹⁶I₂nio' ₄ bá₄ 'nia' ₂ jaun₂, lia' ₂ jē₁i₂nio₄ dsa₂
 i₂ma₂ca₂lón₂ i₂ma₂ca₂niá₃ jui₅ quió' ₅, la₁ tsá₃
 o₁leng' ₅₄ jua' ₅₄ a₂ma₂rě₂na₄ jui₅ ia₁jaun₂ 'náu' ₁ dso₄.
 Jui₁le₂chan' ₂ 'nia' ₂ a₂lín' ₅ dsa₂ i₂jme₂ti₃ ta₁ ne₄ Diú₄.

¹⁷Jme₁gan₃ 'nia' ₂ ca₂le₃jín₃ dsa₂; jme₁'nió₄ 'nia' ₂
 rín' ₂ ně₃. Jme₁gan₃ 'nia' ₂ Diú₄, ton' ₂ jme₁gan₃ 'nia' ₂
 dsi₂tan₅₄ dsa₂ juin' ₂. *

*Caun₂ jág₁ dsau₅ 'a₂ lia' ₂ lě₅ jmi₁uig₅ a₂ca₂i₃ŋi₂
 Cristo*

¹⁸'Nia' ₂ guě' ₂ dsa₂ i₂jme₂ti₃ ta₁ ne₄ dsa₂, tión' ₂ 'nia' ₂
 'ei₅ gau₂ ca₂le₃jě₃ 'e₂ te₂néi' ₂ juig' ₂ 'nia' ₂. Ca₂tín' ₂ 'nia' ₂
 jme₁ti' ₄, on₃jua' ₅₄ jmá' ₃ ne₄ dsa₂ dsen₃ i₂juin' ₂ dsí₅;
 ca₂tín' ₂ bá₄ 'nia' ₂ jme₁ti' ₄ le₂jio₅ ne₄ dsa₂ i₂tsau₂ dsí₅
 ně₃. ¹⁹Ia₁ ja₂lín₃ guě' ₄ dse₃ tē₂tsin' ₅₄ dsa₂ ne₄ Diú₄
 jme₁jmo₂₃ tió' ₃ dsí₅ ŋág₅ uig₅ on₃jua' ₅₄ a₂cha₂ riin₂,
 ne₄ ia₁ a₂lí' ₄ dsí₅ a₂'ŋio₂ dsí₅ Diú₄ bá₄. ²⁰Ia₁ nē₁jua' ₂
 jmo' ₂ 'nia' ₂ tió' ₃ 'au' ₂ jme₁qui₂dsi₂bang' ₅₄ ne₄ 'uig₅₄
 dsáu' ₂ 'nia' ₂ guiong' ₅₄, ċ' ₂ a₂dse₃ a₂lé₂ le₃guéi' ₁ 'nia' ₂
 nē₁jua' ₂ le₂jaun₂? La₁ nē₁jua' ₂ ŋag' ₅₄ 'nia' ₂ uig₅ ne₄
 'uig₅₄ a₂dse₃ a₂jmo' ₂, ton' ₂ jmo' ₂ 'nia' ₂ tió' ₃ 'au' ₂, ia₁
 le₂ně₅ bá₄ dsió₄ tē₃tsin' ₅₄ 'nia' ₂ dse₃ ne₄ Diú₄. ²¹Ia₁
 ta₁ jaun₂ ma₂ca₂rě₃tě₄ 'nia' ₂, ia₁ ján₃ bá₄ ca₂ŋág₃

* ^{2:17} lit. “jme₁gan₃ 'nia' ₂ rag₅₄.”

Cristo uig₅ o₄quián'₂ 'nia'₂, a₂ca₂quiog₂ caun₂ jui₅ ia₁jaun₂ le₂ně₅ i₁nio'₄ 'nia'₂ jui₁lia'₂ ca₂ŋi₃ 'ŋiog₅.

²² I₁caun₂ dso₄ tsá₃ 'e₂ ca₂'nú₂,

on₃ guě'₂ 'i₁ca₂míg₂ jág₁ a₂jui₁gain₂ ca₂o₃'ág₃ mi₂'o₅₄;†

²³ jme₁qui₂ca₂jnú'₂ dsa₂ jág₁ uig₅, tsá₃ le₂jaun₂ ca₂jéin₃ jág₁ jua'₅₄ a₂ca₂quian₃ dsa₂ juě'₅. Tě₂le₃ caun₂ bá₄ ca₂'ág₂ dsí₅ ca₂dsian₃ o₄gú₃ i₂qui₃dsi₅ 'éi'₃ lia'₂ tí₅. ²⁴ Le₂ně₅ bá₄ ca₂caun₃ Cristo jui₅ ni₁ŋi₁₂ 'ŋiog₅ dsáu₁ jniog₄ jme₁ca₂ŋó₃ ne₄ cróg₄ ia₁jaun₂ dsióg₃ jniog₄ ne₄ dso₄, a₂le₃chong₂ táng₃, quián₁ caun₂ jui₅ co₂dsau₅; ne₄ a₂qui₂ca₂cuín'₂ Cristo ca₂'lón'₂ bá₄ 'nia'₂. ²⁵ Ia₁ le₂jŋiá₅ jme₁i₂nio'₄ 'nia'₂ lia'₂ ja₁i₂nio₄ já'₂ cha'₂ i₂ma₂i₂cón'₅,‡ la₁ rě₂ně₃ ma₂ca₂jén'₃ bá₄ táng₃ 'nia'₂ le₃quió'₅ Cristo. 'Éi₂ bá₄ i₂jio₅, niog₅ gu₂, jmo₅ 'í₁§ jme₂dsí₂ quián'₂ 'nia'₂.

3

A₂ lia'₂ dsi₂ten₅₄ le₃chan₂ dsa₂ i₂le₁jen'₂ gu₂

¹ Le₂ně₅ bá₄ ján₃, 'nia'₂ dsa₂ mí₂ i₂le₁jen'₂ gu₂, tión'₂ 'nia'₂ 'éi'₃ quió'₅ dsi₂i₂gog'₂, ia₁jaun₂ ně₁jua'₂ chan₂ i₂tsá₃ 'én₂, lé₂ le₃join'₅₄ ia₁jaun₂ le₃'éin₂ ján₃, on₃jua'₅₄ a₂'nió'₅ juig'₅₄ 'nia'₂ jág₁ 'líong₂, tě₂le₃ quian'₅₄ jui₅ 'a₂ lia'₂ lě₅ i₂nio'₄ bá₄ 'nia'₂, ² ia₁ tě₃ ne₅₄ a₂ma₂lín'₂ 'nia'₂ dsa₂ i₂le₁jě₃ dsí₅, i₂ŋi₅ 'a₂ lia'₂ jme₃go₃. ³ Tsá₃ jui₁le₅₄ jua'₅₄ a₂jŋia'₅₄ tión'₂ 'nia'₂ jlá'₁ jmá'₃ lia'₂ le₃co'₅₄, quian'₅₄ jui₁lia'₂ a₂ŋí₄ jlá'₁ qui₂rě₂lag₄ dsei'₂, o₃ a₂qui₂le₁lín'₄ 'nia'₂ jui₁lia'₂ quian'₅₄ mīg₂ cu₄nióg₄, tsín'₂ jlá'₁ ně₃. ⁴ Qui₁jmo'₅₄ bá₄ 'nia'₂ jláng'₁ tě₂le₃

† 2:22 Isaías 53:9. ‡ 2:25 'Nio'₂ ja₁ton₅ Isaías 53:5,6. § 2:25 griego: epískopos.

quian'₅₄ a₂rě₃'ma₄ tē₂'au'₂ 'nia'₂, a₂rě₂lag₄ quian'₅₄
 caun₂ jme₂dsí₂ a₂jmo'₂ 'nia'₂ meg'₂. A₂rě₃lín₄ dsa₂
 le₂ně₅ bá₄ lě₅ caun₂ a₂jlá'₁ a₂tsá₃ líg'₂ jmíg₄ dsi₃'én₂,
 ton'₂ quen₅ 'ñio₅ lín₃ tē₂le₃ ja₁con₂ Diú₄. ⁵ Ia₁ le₂ně₅
 bá₄ jme₁qui₁le₁lín₄ dsa₂ mí₂ i₂jme₁lě₄ 'í₁ quián₅ Diú₄
 ma₂líg'₂: jme₁i₂nioi₅₄ caun₂ bá₄ jme₁le₁'ág₄ dsi₅
 le₃quió'₅ Diú₄, ton'₂ tíoín₅₄ 'éi'₃ quió'₅ dsi₂i₂gu₂.
⁶ Ján₃ bá₄ le₂ně₅ jme₁lín₄ Sara, ca₂nág₂ gau₂ jág₁
 quió'₅ Abraham, jaun₂ ca₂tě₃ “Gui'₅₄ quiáng₃”.
 Le₂ně₅ bá₄ dsi₁nó'₅ 'nia'₂ léng'₂ jui₁lia'₂ jme₁lín₄ 'éi₂,
 ně₂jag₄ bá₄ chi'₂ quiáin₅ bá₄ ján₃, ně₁jua'₂ ca₂jmo'₅₄
 con'₂ dsi₂ten₅₄, tsá₃ ma₃'e₂ gau₂ jiá₃'au'₂ 'nia'₂.

⁷ Le₂ně₅ bá₄ ján₃, 'nia'₂ dsa₂ ñe'₂, jmo₄ 'nia'₂
 'en₅₄ 'au'₂ 'a₂ lia'₂ tiáng'₄ quian'₅₄ dsa₂ mí₂ quiáng'₂,
 jui₁ñei₂ bá₄ a₂ca₂tín₂ jme₁gain'₃ 'nia'₂, ia₁ lín₅
 i₂'uan₅₄ guě₄ lia'₂ con'₂ guě₄ guiong'₅₄, lín₅ co₂'nió'₄
 caun₂ ñi₁vaso a₂go'₂ guě₄; ia₁ co₂rě₂ bá₄ lín₅ 'nia'₂
 dsa₂ i₂rě₂gon'₅₄ i₂ca₂tín₂ le₃chan₂ dse₃. Le₂ně₅ jmo₄
 'nia'₂ ia₁jaun₂ 'i₁caun₂ tsá₃ 'e₂ jnág₅ cha₂ jě₁ma₂tě₂
 rě₁chi₁len'₄ 'nia'₂ Diú₄.

Dsa₂ i₂ñág₅ uig₅ ne₄ ia₁ a₂jmo₂₃ a₂dse₃

⁸ Jě₁ca₂tó'₂ rín₅₄ jniog₄, jui₁chan'₂ bá₄ 'nia'₂
 ca₂le₃jíng'₃ 'ei₅ caun₂ jág₁, jeng'₂ quian'₅₄ ríng'₂, 'ua₁
 'au'₂ 'nia'₂ jmo₄; jme₁'nió₄ 'nia'₂ ríng'₂; jui₁chan'₂
 'nia'₂ ñéi₂'au'₂; jmo₄ 'nia'₂ meg'₂ ně₃. ⁹ Tsá₃ lě₁jein'₅₄
 'nia'₂ 'lig'₅₄ quian'₅₄ a₂'lig'₅₄; tsá₃ tē₁'óng'₁ dsa₂
 i₂tě₂'o'₂. Tě₂le₃ jein'₅₄ jág₁ dse₃ a₂jme₃gu'₅₄ Diú₄
 quió'₅ dsa₂ le₂'éi₂. Ia₁ ta₁ ně₅ bá₄ a₂'nio₃ Diú₄ jmó'₂
 'nia'₂ a₂ma₂ca₂tě₃, ia₁jaun₂ bá₄ tìn'₃ 'nia'₂ jme₃gu'₅₄
 Diú₄. ¹⁰ Ia₁:

Ca₂le₃jín₃ dsa₂ i₂'nio₃ le₃chan₂ dse₃
 ca₂tíin₂ jmo₃ 'í₁ le₁tsi'₂
 jaun₂ tsá₃ 'ñiá₃ já₃ 'lig'₅₄,
 on₃ guë'₂ 'nió'₅ 'uë'₃ já₃ tē₂já₃ mi₂'o₅₄.

11 Co₂dsia₅ 'nió'₅ quiá'₂ dsa₂ cau₅
 jui₁lia'₂ jui₅ 'lig'₅₄, jmo₃ ca₂ne₅₄ a₂dse₃;
 'nió'₅ 'no'₂ dsa₂ jui₅ ja₁'ei₅ tei₄,
 jaun₂ jui₅ jaun₂ 'en₃.

12 Ia₁ jme₁ne₁ Te₁gui'₅₄ tsá₃ 'na₂ jín₂ dsa₂ dsen₃,
 ton'₂ rē₂jáin₁ nag₂₃ 'e₂ chí₂léi'₂ dsa₂ quiáin₅,
 la₁ tē₂le₃ quió'₅ i₂jmo₅ a₂'lig'₅₄,
 le₂cau₅ bá₄ jéin'₅ ne₅₄.*

13 ĩ₂'ein₂ bá₄ lé₂ le₃jmóg'₂ nē₁jua'₂ dsen₅₄ 'au'₂
 'nia'₂ ca₂jmo'₅₄ a₂dse₃? 14 La₁ jui₁'a₂ guë'₃ la₂ ñag'₅₄
 'nia'₂ uig₅ ne₄ ia₁ a₂jmo'₂ 'nia'₂ a₂dse₃, la₁ia₁ 'e₂ guë'₄
 dsen'₃ 'nia'₂ chang'₂ jua'₅₄ le₂jaun₂. Tsá₃ jmo₂ 'nia'₂
 gang'₃ 'e₂ a₂gó'₅ dsa₂ 'éi₂ chain₂, on₃ guë'₂ cán'₁ 'nia'₂
 juë'₅.† 15 Tē₂le₃ jmo₄ bá₄ 'nia'₂ 'au'₂ a₂lín₅ Cristo
 juig'₂ 'nia'₂ i₂jñi₅, a₂lē₅ 'í₁ tē₂'au'₂ 'nia'₂. Chan'₂ 'nia'₂
 rē₂jáng'₁, a₂jein'₅₄ já₃ quió'₅ dsa₂ i₂'nio₃ le₃ñi₅ 'a₂
 lia'₂ lē₅ a₂'ín₂ 'au'₂ 'nia'₂. Jñia'₅₄ lia'₂ jmo₄ a₂nē₅ jmá'₃
 lia'₂ quian'₅₄ a₂'ua₁ 'au'₂, a₂jme₁gan'₃ 'nia'₂ dsa₂ nē₃,
 a₂qui₂le₁jē₃ a₂qui₂dsi₂ñi₅ 'au'₂, 16 ia₁jaun₂ le₃gui'₅₄
 dsa₂ i₂chí₂'ag₅ 'lig'₅₄ o₄quió'₄ jui₅ dse₃ a₂i₂'nio'₄ 'nia'₂
 le₃quió'₅ Cristo. 17 Nē₁jua'₂ le₂jaun₂ 'nio₃ Diú₄,
 ja₂lín₃ guë'₄ dse₃ a₂ñág₅ dsa₂ uig₅ ne₄ ia₁ a₂jmo₂₃
 a₂dse₃, lia'₂ con'₂ guë'₄ ne₄ a₂jmo₂₃ a₂'lig'₅₄.

18 Ia₁ le₂nē₅ bá₄ já₃n₃, co₂ráun₂ bá₄ ca₂jon₃ Cristo†
 jme₁ca₂join₃ ne₄ 'uig₅₄ dsáu₁ jniog₄. I₂jme₁lín₄ jan₂

* 3:12 Salmo 34:12-16. † 3:14 Isaías 8:12. ‡ 3:18 A₂lín₅₄ chog₅₄
 si₂: “ca₂ñág₃ Cristo uig₅.”

dsa₂ dse_{n3} co₂ŋí₂ bá₄ 'éi₂, ca₂join₃ o₄quió₄ dsa₂ cha₂
 dsáu₁, ia₁jaun₂ tē₂ ja₁con₂ Diú₄. Ca₂join₃ jui₅ ni₁ŋi₁₂,
 ton'₂ ca₂jein'₅₄ bá₄ táng₃ tē₂le₃ quian'₅₄ Jme₂dsí₂.
 19 Jaun₂ le₂nē₅, ca₂ŋei₅₄ ca₂i₁'ě₄ jág₁ ja₁con₂ jme₂dsí₂
 i₂jme₁tion'₅₄ le₁ŋí₅ 20 i₂tsá₃ ca₂nág₂ gau₂ jmi₄
 ma₂líg'₂ jaun₂ lia'₂ con'₂ jme₁chan₂ Noé. Uě₂ bá₄
 ca₂jmo₃ Diú₄ juin'₂ dsí₅ ca₂ŋia₃ tē₁lia'₂ lě₂ ni₁barco.Š
 ŋia₃ tan₅₄ dsa₂ bá₄ lě₂ i₂ca₂lón₂ quian'₅₄ a₂jaun₂
 jme₁ca₂'a₃ jmi₂ mi₂güig₃. 21 A₂jaun₂ jáng'₅ caun₂
 léi₄ jme₁chó₅ jniog₄ jmi₂g₂ jmi₄ rē₂ně₃, a₂ma₂ca₂lag₃
 jniog₄ dsa₂ i₂ma₂ca₂lón₂; on₃jua'₅₄ a₂ŋia'₃ a₂'lian₅₄
 dsa₂, tē₂le₃ a₂jang'₂ jniog₄ caun₂ léi₄ a₂quián₁ jniog₄
 caun₂ jui₅ a₂le₁jě₃ jme₂dsí₂ quián₂ tē₂le₃ ne₄ Diú₄ bá₄,
 ton'₂ ca₂ló₂ jniog₄ tē₂le₃ quian'₅₄ jui₅bí₂ a₂ca₂jen'₅₄
 Jesucristo. 22 Ca₂uíg₂ táng₃ náí'₃ guei'₅₄ i₂juíg₃;
 ja₁jaun₂ guá₅ tē₂le₃ gu₂ ne₁ Diú₄; 'éi'₃ quió'₅ 'éi₂ bá₄
 tion'₅₄ ca₂le₃jín₃ ángeles quian'₅₄ ca₂le₃jín₃ i₂lín₅ ta₁,
 ca₂le₃jín₃ guě₄ i₂'io₅ jui₅bí₂ ně₃.

4

A₂jme₂ti₃ dsa₂ lia'₂ con'₂ lě₅ jui₅bí₂ a₂ma₂cuě₃ Diú₄

1 Jaun₂ lě₃, ia₁ ca₂ŋág₃ Cristo uig₅ jui₅ ni₁ŋi₁₂,
 le₂nē₅ bá₄ 'nia'₂ ján₃ chan'₂ 'nia'₂ rē₂lŋg'₅₄ caun₂
 'éi₂ 'nia'₂ 'au'₂ a₂cán'₁ jmi₁uig₅. Ia₁ jui₁lia'₂ dsa₂
 i₂ma₂ca₂ŋág₃ uig₅ jui₅ ni₁ŋi₁₂, co₂dsia₅ ma₂tí₂ bá₄
 jui₅ jě₁jme₁'no₂₃ dso₄. 2 A₂le₃chain₂ táng₃ tē₂le₃
 ne₄ jui₅ ja₁ŋó₄, a₂jme₃ti₃ a₂'nio₃ Diú₄ bá₄, tsá₃
 ma₃le₃chain₂ jua'₅₄ a₂cuě'₃ guě₄ o₂'ŋió₃ o₂ŋia₃
 dsi₅ con'₂ niog₅ mi₅ ni₁ŋi₁₂. 3 Tió'₅, a₂ma₂ca₂ŋí₂
 juin₅₄ qui₂ma₂jmo'₅₄ 'nia'₂ ja₁ma₂ja₂nóg'₅, lia'₂

§ 3:20 Noé: 'Í₂ Génesis 6 - 9.

con² lě⁵ jmo⁵-dsáu⁵ ca²le³jín³ dsa² i²tsá³ cuín⁵
 Diú⁴. Ia¹ jme¹chan² 'nia² tsá³ caun² a²jme¹ín⁵
 'au²; tsá³ caun² a²'lig⁵⁴ a²jme¹qui²lě² 'au² 'nia²
 ně³; jme¹qui²i²niog⁵⁴ qui²le¹'eng⁵; jme¹qui²quě²
 'nia² tóng² chí⁵ co²mí⁵⁴ niog⁵ jmig⁴. Jme¹ág² 'nia²
 ca²lia² tsá³ cuente niog⁵; jme¹jme²juín² 'nia² diú⁴
 lag⁴, caun² a²'io⁵⁴ Diú⁴. ⁴ Dsi²gó³ dsi⁵ dsa² 'ei² a²tsá³
 jme²quai²in⁵⁴ 'nia² jě⁴ ca²le³jě³ a²i²juin⁵⁴ a²'lig⁵⁴
 a²jmo⁵-dsáu⁵, jaun² 'lig⁵⁴ bá⁴ 'ag²³. ⁵ La¹ já⁵ bá⁴
 jmig⁴ ja¹jáng³ cuenta quió⁵ ne⁴ i²ma²lě⁵ co²jñia⁵⁴
 con² 'í¹ lia² quió⁵ i²chan² lia² quió⁵ i²ma²dsan³
 ně³. ⁶ 'Uig⁵⁴ ně⁵, ca²rě³ě² já¹ dse³ ca²lia² ja¹con²
 dsa² i²ma²dsan³: ia¹jaun² tě³dsi⁵⁴ 'éi³ le³quió⁵
 ni¹ñi¹², lia² con² lě⁵ dsi²jio⁵ dsi⁵ dsa² mi²güí³,
 ia¹jaun² guě⁴ le³chain² jui⁵ jme²dsí² ně³, lia² con²
 lě⁵ dsi²jio⁵ dsi⁵ Diú⁴.

⁷ La¹ ja²quián³ bá⁴ jmig⁴ jě¹dsian⁵ ca²le³jě³.
 Jaun² ně³ len⁵⁴ 'nia² chang², 'en⁵⁴ 'au², ia¹jaun²
 lé² chi¹lěng⁴ Diú⁴. ⁸ La¹ a²dsen⁵⁴ guě⁴ 'ñio⁵ lín³,
 'nió⁵ a²jme¹'nió⁴ 'nia² ríng² 'ñio⁵ lín³ le²jang²
 le²jang². Ia¹ ja¹'nio³ dsa² rín⁵⁴, 'líong² o²'én²
 dso⁴ cha² ja¹con² rín⁵⁴ dsa².* ⁹ Guen⁵⁴ 'nia²
 ríng² i²qui²dsi²jag⁵⁴ dsi²néi² quiáng², on³jua⁵⁴
 a²qui²dsi²mé² 'au² quai²in⁵⁴. ¹⁰ Le²jan² le²jan²
 'nia² ca²tíng² jme¹'ong¹ ríng² lia² con² lě⁵
 ma²ca²rě³tíng³ a²'líong² ne⁵⁴ a²ma²ca²jme³gu⁵⁴
 Diú⁴, a²niog⁵ gog² 'nia² jmó². ¹¹ Ně¹jua² 'ein² 'nio³
 te²néi² já¹, jui¹te²néi² bá⁴ quian⁵⁴ já¹ quió⁵ Diú⁴.
 Ně¹jua² chan² guě² 'ein² 'nio³ jme³'o⁵⁴ jui¹jme²'o⁵⁴
 bá⁴ lia² con² lě⁵ jui⁵bí² a²ma²cuě⁵ Diú⁴, ia¹jaun²

* 4:8 'Nio² ja¹ton⁵ Proverbios 10:12.

le₂nē₅ bá₄ le₃juin'₂ Diú₄ ne₄ ca₂le₃jě₃ tē₂le₃ quian'₅₄
 Jesucristo. 'Éi₂ bá₄ ca₂tín₂ ηe₂ ca₂le₃jě₃ ti₁'mag'₄,
 ca₂le₃jě₃ jui₅bí₂, ca₂le₃jě₃ jmig₄ co₂tan₅₄. ¡A₂méi₃!

A₂ηág₅ dsa₂ uig₅ ne₄ 'uig₅₄ ia₁ a₂'éin₂

¹² 'Nia'₂ rin'₅₄ jniog₄ i₂'nióg₃, tsá₃ lē₁jmo₂ 'nia'₂
 go₂'i₃ jme₁dsi₂ηíg'₂ táu₂ a₂lě₅ lia'₂ lě₅ si₂ dséi₂ ja₁con'₂
 'nia'₂, jua'₅₄ a₂le₃jmó'₂ 'nia'₂ 'au'₂ jua'₅₄ a₂tsá₃
 ma₂cuin'₂ 'nia'₂, 'a₂ lia'₂ lě₅ dsi₂ηíg'₂. ¹³ Tē₂le₃ jmo₄
 'nia'₂ 'io'₂, ia₁ le₂nē₅ bá₄ can'₂ 'nia'₂ ján₃ jmi₁uig₅
 jui₁lia'₂ a₂ca₂i₃ηí₂ Cristo, ia₁jaun₂ bá₄ cán'₁ 'nia'₂
 ján₃ o₂'ηió₃ 'au'₂ 'ηio₅ lín₃ jē₁ma₂tě₂ rē₁jme₃jniai₂₃
 'a₂ lia'₂ jláin'₁. ¹⁴ 'E₂ guē₄ dsen'₃ 'nia'₂ jme₁tē₂'o'₂
 'ein₂ tē₂'o'₂ o₄quió'₄ Cristo, ia₁ le₂nē₅ bá₄ tē₂'ηiá₄
 Jme₂dsi₂ quián₅ Diú₄ i₂tág₅ co₂'né'₅ ne₄ quián'₂
 'nia'₂. ¹⁵ Chi₂jua'₂ 'ein₂ 'nia'₂ dsi₂ηí₂ uig₅, la₁ lag₃
 nē₁jua'₂ tsá₃ lě₅ dso₄ 'ang₂, o₃ a₂ca₂jñi'₃ dsa₂, o₃
 chan₂ i₂ca₂cuē'₃ dsa₂ mi₂güig₃ riin'₅₄, o₃ a₂qui₂tiáin₂
 caun₂ ja₁tsá₃ ca₂tín₂. ¹⁶ La₁ nē₁jua'₂ ηag'₅₄ 'nia'₂ uig₅
 ca₂ne₅₄ ia₁ a₂lín₅ dsa₂ “cristianos”, tsá₃ 'nió'₅ jmó'₂
 'nia'₂ gueng'₅₄. Diú₄ bá₄ 'nió'₅ jme₁juin'₂ 'nia'₂ ia₁
 a₂quiong₅ dsa₂ le₂jaun₂.

¹⁷ Ia₁ ma₂tě₂ jmig₄ a₂tē₂dsi₅₄ 'éi'₃ le₂'uig₅₄ de'₂
 ja₁con₂ dsa₂ dsi₂néi₂ quió'₅ Diú₄. Chi₂jua'₂ le₂'uig₅₄
 jme₂lióg₃ quian'₅₄ jniog₄, ¿'a₂ bá₄ lia'₂ dsióg₄
 dsi₁ηí₂ ca₂le₃jín₃ i₂tsá₃ jme₂ti₃ jág₁ dse₃ quió'₅
 Diú₄? ¹⁸ Chi₂jua'₂ quian₅ ta₁ lín₃ a₂tín₅ dsa₂ dsen₃,
 “¿'ē₂ guē₄ bá₄ dsióg₄ dsi₁ηí₂ dsa₂ i₂tsá₃ Diú₄ cuin₅,
 i₂le₁cán'₄ dso₄?”† ¹⁹ Jaun₂ ně₃, i₂ηág₅ uig₅ lia'₂
 con'₂ lě₅ 'ηio₂ dsí₅ Diú₄, ca₂tín₂ caun₂ jmo₃ a₂dse₃

† 4:18 Proverbios 11:31.

bá₄, dsia₃ o₄gú₃ Diú₄ jme₂dsí₂ quió'₅, ia₁ Diú₄ bá₄
i₂ca₂jmo'₂ 'éi₂, i₂rē₂tí'₅₄ ně₃.

5

*Toin'*₂ *jág₁ dse₃ dsa₂ 'én₂*

¹ Jaun₂ ně₃, jág₁ la₂ cuě₅ jniá₂ ca₂le₃jín₃ dsa₂
can'₅₄ i₂quian₅ ne₄ jui₅* quián'₂ 'nia'₂, ia₁ le₂ně₅
bá₄ jniá₂ 'ñi₃ó₃ ján₃ líng₅ jan₂ dsa₂ juin'₂ i₂nio₅
ne₄ guá'₅, ton'₂ líng₅ jan₂ i₂ca₂tě₂ ne₄ 'a₂ lia'₂ lě₅
jmi₁uig₅ a₂ca₂i₃ñí₂ Cristo. Jaun₂ le₂ně₅ bá₄ ján₃,
líng₅ jan₂ i₂jme₃quiain'₅₄ jē₁ma₂tě₂ rē₁jme₃jniai₂₃
a₂jláin'₁. Jág₁ la₂ juíg₂ jniá₂ 'nia'₂: ² Dse₃ jmo₄ 'nia'₂
'í₁ guá'₅ quián₅ Diú₄ i₂lín₅ co₂nió'₃ já'₂ cha'₂ i₂nio₅
gog'₂. Jmo₄ 'nia'₂ ta₁ ně₅ a₂'ñio₂ 'au'₂, lia'₂ con'₂
lě₅ 'nio₃ Diú₄. Tsá₃ jmo₂ 'nia'₂ 'au'₂ jua'₅₄ a₂chan₂
i₂chi₂quióng₂ jmi₄, on₃ guē'₂ jmo₂ 'nia'₂ 'au'₂ jua'₅₄
a₂ñí₄ 'ín₅ 'au'₂ cu₄ ně₃. Jmo₄ 'nia'₂ ta₁ quió'₅ Diú₄
a₂dsen₅₄ 'au'₂. ³ Tsá₃ jmo₂ 'nia'₂ jua'₅₄ guion'₅₄ 'nia'₂
ca₂tíng'₂ jmo'₂ gong'₂ ne₄ quió'₅ guá'₅ i₂nio₅ gog'₂,
tě₂le₃ ca₂tín'₂ bá₄ 'nia'₂ cuě'₅₄ caun₂ jui₅ dse₃ já'₂ cha'₂
quián₅ Diú₄. ⁴ Jaun₂ bá₄ jē₁ma₂tě₂ jmi₄ i₁jme₃jnia₅
i₂lín₅ juig₅₄ dsen₅₄ i₂quián₅ juig₅₄ já'₂ cha'₂, ñe'₂ 'nia'₂
jma₃caun₃ corona a₂tsá₃ líg'₂ jmi₄le₃juing₅.

⁵ Le₂ně₅ bá₄ 'nia'₂ dsa₂ chi'₂ ján₃, tión'₂ 'nia'₂
'éi'₃ quió'₅ dsa₂ can'₅₄ quián'₂ 'nia'₂. Ton'₂
jui₁qui₂rē₂líng'₅₄ quian'₅₄ a₂meg'₂ ja₁con₂ ríng'₂
le₂jang'₂ le₂jang'₂, ia₁:

Tsá₃ jen₅₄ Diú₄ jui₁lia'₂ dsa₂ i₂jmo₅ rón₂,

la₁ jme₂'oin₅₄ a₂'ua₁ dsí₅ dsa₂ i₂jmo₅ me'₂.†

* **5:1** griego: presbíteros. † **5:5** Proverbios 3:34.

6 Jaun₂ ně₃, le₂ ně₅ jmo₄ 'nia'₂ meg'₂ o₄ gú₃ bēn₂ quió'₅ Diú₄ ia₁ jaun₂ bá₄ chó'₂ 'éi₂ jmi₄ jaun₂ quió'₅. 7 O₄ gú₃ 'éi₂ dsia₄ 'nia'₂ ca₂ le₃ jě₃ 'e₂ o₂ i₁ dsi₅ a₂ chan'₂ 'nia'₂, ia₁ dsan₂ bá₄ dsí₅ 'éi₂ 'nia'₂ ján₃.

8 'En₅₄ 'au'₂ 'nia'₂ jmo₄, chang'₂ rě₂ jáng'₁, ia₁ i₂ sě₃ dsen₃ i₂ 'nia₅₄ 'nia'₂ ŋi₂₃ lín₅ lia'₂ lín₅ 'ia'₂ i₂ ŋi₅ i₂ jme₂ 'ne₅₄ 'ŋió₂ a₂ 'nai'₂ 'ein₂ i₂ 'nio₃ qui_{in}'₂.

9 Quian'₅₄ a₂ 'én'₂ 'nia'₂, nau₂ tiá₂ queng'₂ ne₅₄, ia₁ ŋi'₅₄ bá₄ 'nia'₂ ta₁ caun₂ mi₂ güig₃ bá₄ qui₂ dsi₂ ŋi₂ ríng'₂ jmi₁ uig₅ le₂ ně₅ ján₃. 10 Ia₁ jě₁ ma₂ ca₂ ŋi'₂ 'nia'₂ co₂ 'na₂ uig₅ le₂ ně₅, 'ŋiog₅ bá₄ Diú₄ i₂ 'ua₁ dsí₅ lín₃ chei'₃ táng₃ rě₂ a₂ jme₃ 'ŋiai₂₃ a₂ 'nió'₅ guě₄ quián'₂ 'nia'₂, cuě₃ bí₂ náu'₁ 'nia'₂ tiá₂. Jme₃ gu'₅₄ bá₄ 'éi₂ jniog₄ ne₄ ca₂ le₃ jě₃ ne₅₄ a₂ dse₃. Ia₁ ma₂ ca₂ tě₃ jniog₄ le₃ quió'₅ Cristo Jesús, a₂ jme₁ quiain'₄ jniog₄ co₂ tan₅₄ ja₁ co₂ tág₅ co₂ 'né'₅ quió'₅. 11 'Éi₂ bá₄ ca₂ tín₂ jui₅ bí₂ ca₂ le₃ jě₃ jmi₄ co₂ tan₅₄. A₂ méi₃.

Cuag₂₃ Diú₄ jě₁ ca₂ tó'₂ jě₁ 'ág'₅ jág₁

12 Tě₂ le₃ quian'₅₄ Silvano[†] i₂ jing₅₄ lia'₂ ja₁ jing₁₂ jan₂ ríng'₃ i₂ rě₂ ti'₅₄, ma₂ jmo₃ si₂ la₂ ja₁ juá'₅ tín₃ 'ni₅ jon₂ jág₁ a₂ cuě₃ bí₂ 'nia'₂. Jág₁ a₂ ma₂ ně₂ juá'₃ jniá₂ ně₅, jáng'₅ léi₄ 'a₂ lia'₂ dsón'₂ 'ua₁ dsí₅ Diú₄. Jaun₂ nau₂ 'nia'₂ tiá₂ jui₅ ně₅. 13 Guá'₅ i₂ chan₂ ja₁ tě'₂ dsa₂ juig₂ “Babilonia” la₂, dsa₂ i₂ ma₂ ca₂ quión'₂ Diú₄ jui₁ lia'₂ ma₂ ca₂ quióin'₂ 'nia'₂, dsiáin'₂ jág₁ a₂ cuin₂₃ Diú₄ 'nia'₂, le₂ jaun₂ bá₄ Marcos jón₃ quiáng₃ ně₃. 14 Cuin₅₄ 'nia'₂ Diú₄ ríng'₂ le₂ jang'₂ le₂ jang'₂, chen'₅₄ § 'nia'₂ jú'₅ ríng'₂ ia₁ a₂ 'nióg'₃ ríng'₂.

[†] 5:12 Co₂ 'nió'₄ lia'₂ chen₂ Silas. § 5:14 Caun₂ tag₄ a₂ jme₁ chí'₄ lia'₂ con'₂ ca₂ jmo₃ Pe₄ si₂ la₂.

Tián'₂ bá'₄ 'nia'₂ 'ei'₅ tei'₄ ca₂le₃jín'₃ 'nia'₂ i₂tén'₅
le₃quió'₅ Cristo.
Co₂ně'₅.

Jag₁ 'mí₂ a₂ ma₂ li' ₅₄ quian' ₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 30 Dec 2021

5c52af9e-3086-5d57-9b7e-2e495fea8899